

Sipas aplikimit Nr. 1111 Datë: 01.01.2024

INFORMACION MBI PALËT

KREDIDHËNËS

Emri i Shoqërisë: ECFA Shpk

Numri i Regjistrimit: L71610009A

Selia: Rruga "Muhamet Gjollesha", Ndertesa Tirana Ring Center, Nr. 8, Kati i 9-te, Tirane, Albania

Adresa e-mail: info@kredo.al

Telefon: +355 44 500 600

Vendi i ofrimit: Rruga Dylı Haxhire prane Tirana Bank, -, Elbasan

KREDIMARRËS

Emër, mbiemër:

Emri i babait:

Numri personal I identifikimit:

Letërnjoftimi/Pasaporta: ID Card

Adresa:

Adresa e-mail:

Telefon: +(355) 69000000

Mënyra e Disbursimit: Kesh

PËRCAKTIMET DHE TERMAT

1. Përcaktimet dhe Termat

1.1 Termat e përcaktuara në vijim, si dhe termat e përcaktuara diku tjetër në këtë Marrëveshje, do të përdoren në këtë Marrëveshje sipas kuptimit përkatës:

1.1.1 Kredimarrësi: do të thotë individi i identifikuar si e tillë në hyrjen e kësaj Marrëveshje.

1.1.2 Llogaria Bankare e Kredimarrësit: do të thotë llogaria bankare e Kredimarrësit shënuar më sipër në hyrje të kësaj Marrëveshje, siç mund të ndryshohet nga Kredimarrësi nëpërmjet një Njoftimi sipas Nenit 12, apo çdo llogari tjetër bankare nga e cila Kredimarrësi ka kryer pagesa për Kredidhënësin.

1.1.3 Kontaktet e Kredimarrësit: do të thotë adresa e e-mailit dhe/ose numri i celularit/telefonit të Kredimarrësit, shënuar më sipër në hyrje të kësaj Marrëveshje, siç mund të ndryshohet nga Kredimarrësi nëpërmjet një Njoftimi sipas Nenit 12, tek të cilat Kredimarrësi pranon të kontaktohet dhe të marrë Njoftime dhe komunikime nga Kredidhënësi.

1.1.4 Degët: janë ambientet e Kredidhënësit dhe/ose të partnerëve të autorizuar prej tij, nëpërmjet të cilave Kredidhënësi ushtron aktivitetin; një listë e plotë e Degëve gjendet në Faqen e Internetit të Kredidhënësit <http://www.kredo.al>.

1.1.5 Ditë Pune: do të thotë çdo ditë e javës përvèç ditëve të festave zyrtare në Republikën e Shqipërisë. Oraret e punës janë të shpallura në faqen zyrtare <https://www.kredo.al/deget> dhe në çdo degë.

1.1.6 Tarifat: janë tarifat, komisionet dhe kostot e tjera të shënuara në Tabelën e Interesit dhe Tarifave të Kredidhënësit (përcaktuar si vijon), që Kredimarrësi detyrohet t'i paguajë Kredidhënësit në lidhje me këtë Marrëveshje.

1.1.7 Marrëveshje: është kjo Marrëveshje Linjë Kredie, lidhur mes Kredimarrësit dhe Kredidhënësit.

1.1.8 Mosmarrëveshjet: janë mosmarrëveshjet e përcaktuara sipas Nenit 14 të kësaj Marrëveshje.

1.1.9 Lëvrim: është çdo shumë që Kredidhënësi i disburson Kredimarrësit sipas kësaj Marrëveshje, mbi bazën e një Aplikimi për Disbursim të paraqitur nga Kredimarrësi.

1.1.10 Afati: është afati i kësaj Marrëveshje, përcaktuar sipas Nenit 4 në vijim.

1.1.11 Rast Mospërmbushje: janë rrëthanat e përcaktuara sipas Nenit 13 të kësaj Marrëveshje.

1.1.12 Interesi: Norma nominale e interesit për shlyerjen e kredisë paraqitet si % vjetore e pandryshueshme në vit, llogaritur mbi principalin e mbetur.

1.1.13 Norma e Interesit: do të thotë norma në përqindje mbi Shumën e Kredisë së mbetur, që Kredimarrësi detyrohet t'i paguajë Kredidhënësit si Interes; Norma e Interesit përcaktohet dhe llogaritet sipas kushteve dhe afateve të Tabelës së Interesit dhe të Tarifave të Kredidhënësit (përcaktuar si vijon), siç është në fuqi në momentin e zbatimit dhe e përcaktuar në çdo përditësim të Aneksit 1.

1.1.14 Norma Efektive e Interesit: Norma Efektive e Interesit është totali i kostos së kredisë për klientin e shprehur si përqindje vjetore e vlerës së kredisë së dhënë. Në momentin e nënshkrimit të marrëveshjes dhe çdo përditësimi të Aneks 1, norma efektive e interesit paraqitet si NEI në %.

1.1.15 Kamatëvonesë: Kamatëvonesat në rastin e pagesave (kësteve/principalit/interesit) që kryhen pasi u ka kaluar afati, siç janë të zbatueshme në kohën kur jepet ky informacion, si dhe penalitetet, të ndryshme nga kamatëvonesat, të cilat aplikohen në rast të mosrespektimit të kushteve dhe/ose afateve të tjera të kontratës; Në çdo rast kamatëvonesa e papaguar nuk tejkalon masën 30% të totalit të detyrimit të papaguar në vonesë.

1.1.16 Kredidhënësi: është shoqëria ECFA SHPK. - NUIS L71610009A.

1.1.17 Llogaria Bankare e Kredidhënësit: do të thotë çdo llogari bankare e publikuar nga Kredidhënësi në Faqen e Internetit të Kredidhënësit (përcaktuar si vijon), si dhe pranë Degëve.

1.1.18 Shuma e Kredisë: është shuma totale e të gjitha Disbursimeve të kryera nga Kredidhënësi, që në çdo moment kohor rezulton e pakthyer nga ana e Kredimarrësit.

1.1.19 Aplikim për Ndryshimin e Kushteve: është çdo kërkesë e shkruar sipas formatit të miratuar nga Kredidhënësi, që Kredimarrësi paraqet pranë Degëve, apo në mënyrë elektronike nëpërmjet Llogarisë Online, për ndryshimin e kushteve origjinale të një shume të Disbursuar.

1.1.20 Aplikim për Disbursim: është çdo kërkesë e shkruar sipas formatit të miratuar nga Kredidhënësi, që Kredimarrësi paraqet pranë Degëve, apo në mënyrë elektronike nëpërmjet Llogarisë Online, për disbursimin e një Shume Kredie, deri në vlerën e Limitit.

1.1.21 Komisioni i Shtyrjes së Kredisë: komisioni (-et) për shtyrjen e afatit të Datës së Pagesave.

1.1.22 Komisioni i administritimit të kredisë: është komision për mirëmbajtjen e kredisë së lëvruar, përllogaritet çdo muaj mbi vlerën e principalit të mbetur, i detyrueshëm për t'u paguar përfatim e mbajtjes së kredisë.

1.1.23 Komisioni i angazhimit, është komision për angazhimin e fonave të kredisë së lëvruar, përllogaritet mbi vlerën e kredisë së lëvruar, i detyrueshëm për t'u paguar i plotë pavarësisht afatit të mbajtjes së kredisë, pagimi i së cilës mund të zgjidhet përfatim e lëvrimit të kredisë ose i ndarë me pjesë përgjatë kësteve të kredisë.

1.1.24 Komisioni për lëvrimin e kredisë me para në dorë, është komisioni që paguhet në rastet kur Kredimarrësi zgjedh që kredia e tij të lëvrohet në kesh dhe jo me transfertë bankare. Përllogaritet mbi vlerën e kredisë së lëvruar dhe është i detyrueshëm përfatim e lëvrimit të kredisë ose i ndarë me pjesë përgjatë kësteve të kredisë.

1.1.25 Komision administrimi i kredisë në vonesë: është komision për të mbuluar kostot operacionale që i shkaktohen institucionit gjatë procesit të administrimit të kredive në vonesë. Aplikohet në rastet kur kredia është në vonesë dhe i pagueshmë në ditën 22-të, 45-të dhe 61-të vonesës..

1.1.26 Komisioni për shërbimin e pagesave, Kredimarrësi mund të zgjedhë të kryejë pagesat që lidhen me kreditinë në një nga degët e ECFA shpk ose në bankë apo institucione të tjera te pagesave me të cilat ECFA ka një marrëveshje bashkëpunimi. Në rast se kryerja e pagesave do të bëhet në degët e ECFA shpk, atëherë do të aplikohet komisioni për shërbimin e pagesave sipas tabelës së Interesit dhe Tarifave në fuqi.

1.1.27 Afati i shtyries së kredisë: afati (-et) i shtyries së Datës së Pagesave.

1.1.28 Limiti: do të thotë vlera totale e miratuar nga Kredidhënësi, deri tek e cila Kredimarrësi lejohet të ketë, në çdo moment kohor, totali i shumave të lëvruara. Limiti nuk përfshin ndonjë nga Tarifat e zbatueshme.

1.1.29 Aplikim për Limit: është çdo kërkesë e shkruar sipas formatit të miratuar nga Kredidhënësi, që Kredimarrësi paraqet pranë Degëve, apo në mënyrë elektronike nëpërmjet Llogarisë Online, përrritjen e Limitit të miratuar më parë nga Kredidhënësi.

1.1.30 Njoftim është çdo njoftim apo komunikim mes Kredidhënësit dhe Kredimarrësit në lidhje me këtë Marrëveshje, sipas përcaktimeve të Nenit 12 të kësaj Marrëveshje.

1.1.31 Llogaria Online: do të thotë llogaria e klientit, përcaktuar sipas Nenit 10 të kësaj Marrëveshje.

1.1.32 Kushtet e Llogarisë Online: janë kushtet dhe afatet e miratuar nga Kredidhënësi, siç janë në fuqi nō momentin e zbatimit, të cilat rregullojnë mbajtjen dhe operimin e Llogarisë Online; Kredidhënësi publikon në Faqen e Internetit (<https://www.kredo.al/faqet/kushtet-dhe-afatet>) një kopje të Kushteve të Llogarisë Online, në fuqi nē çdo kohë, dhe çdo ndryshim i Kushteve të Llogarisë Online do t'i njoftohet Kredimarrësit për miratim nëpërmjet Llogarisë Online, sipas parashikimeve të Nenit 12 të kësaj Marrëveshje.

1.1.33 Tabela e Interesit dhe të Komisioneve të Kredidhënësit: është tabela e publikuar nga Kredidhënësi nē faqen zyrtare <https://www.kredo.al/faqet/tarifat> ku detajohen kostot e kredisë qe janë nē fuqi.

1.1.34 Shumat e Pashlyera: do të thotë shumat e përgjithshme që Kredimarrësi detyrohet t'i paguajë Kredidhënësit sipas kësaj Marrëveshje, përbërë nga Shumat e Kredisë, Interesi dhe Tarifat e papaguara nē çdo moment kohor.

1.1.35 Pala ose Palët: janë Kredidhënësi dhe/ose Kredimarrësi, bashkërisht apo veçmas, sipas rastit.

1.1.36 Grafiku i Pagesave: do të thotë tabela me shumat dhe afatet e rikthimit apo shlyerjes së çdo Shume Kredie, Interesi apo komisioni pranuar nga Kredimarrësi nē bazë të një Aplikimi Disbursimi, siç mund të jetë ndryshe Kredia sipas një a më shumë Aplikimeve për Ndryshim të Kushteve, të miratuar nga Kredidhënësi, përcaktuar nē çdo përditësim të Ankes 1.

1.1.37 Data e Pagesave: është data nē të cilën Kredimarrësi detyrohet të shlyejë një Shumë Kredie, apo t'i paguajë Interesin dhe/ose Tarifat, sipas Grafikut të Pagesave, apo afateve të tjera të parashikuara sipas kësaj Marrëveshje, specifikuar nē çdo përditësim të Aneks 1.

1.1.38 Politika e Privatësisë: është dokumenti i miratuar nga Kredidhënësi, siç është nē fuqi nē momentin e zbatimit, që rregullon kushtet dhe afatet e mbledhjes dhe trajtimit të dhënavë personale të Kredimarrësit; Kredidhënësi publikon në Faqen e Internetit (<https://www.kredo.al/faqet/politika-e-privatesise>) një kopje të Politikës së Privatësisë, nē fuqi nē çdo kohë dhe çdo ndryshim i Politikës së Privatësisë do t'i njoftohet Kredimarrësit për miratim, nëpërmjet Llogarisë Online, sipas parashikimeve të Nenit 12 të kësaj Marrëveshje.

1.1.39 Njoftimi i Korrigjimit: është njoftimi i përcaktuar sipas Nenit 13 të kësaj Marrëveshje.

1.1.40 Tabela e Interesit dhe Tarifave: është dokumenti i miratuar nga Kredidhënësi, siç është nē fuqi nē momentin e zbatimit, që përmban Normën e Interesit, Kamatëvonesën dhe Tarifat, si dhe mënyrat përkatëse të llogaritjes së tyre. Kredidhënësi publikon në Faqen e Internetit një kopje të Tabelës së Interesit dhe Tarifave, nē fuqi nē çdo kohë dhe çdo ndryshim i Tabelës së Interesit dhe Tarifave do t'i njoftohet Kredimarrësit për miratim, nëpërmjet Llogarisë Online, sipas parashikimeve të Nenit 12 të kësaj Marrëveshje.

1.1.41 Data e Nënshkrimit: do të thotë data e nënshkrimit të kësaj Marrëveshje si dhe çdo Anek 1 nga Kredimarrësi dhe Kredidhënësi, siç është shënuar më sipër.

1.1.42 Njoftimi i Zgjidhjes: është njoftimi i përcaktuar sipas Nenit 13 të kësaj Marrëveshje.

1.1.43 Faqja e Internetit: është faqja nē internet e Kredidhënësit, www.kredo.al.

2. Interpretimi

2.1 Kjo Marrëveshje, përvçese kur nga konteksti i dispozitës përkatëse rezulton ndryshe, do të interpretohet sipas parashikimeve vijuese:

2.1.1 Kur nē këtë Marrëveshje i bëhet reference ndonjë nen, seksioni, paragrafi, apo dokumenti tjetër, atëherë, përvçese kur nga konteksti rezulton ndryshe, kjo referencë do të jetë tek nen, seksioni apo paragrafi përkatës i kësaj Marrëveshje, apo tek dokumenti tjetër i cituar nē këtë Marrëveshje, siç ky dokument është nē fuqi nē momentin e zbatimit.

2.1.2 Titujt e përdorur për nenet, paragrafët, nën-paragrafët, janë vetëm për lehtësi referimi nē interpretimin e kësaj Marrëveshje dhe nuk do t'i cenojnë nē asnjë mënyrë, kuptimin apo interpretimin e përbajtjes së dispozitave përkatëse.

2.1.3 Sa herë që nē këtë Marrëveshje përdoren fjalët “duke përfshirë”, “përfshin”, “në veçanti”, “për shembull” e të tillë të ngjashme, këto fjalë do t'i kuptohen tē ndjekura nga fjalët “pa u kufizuar vetëm nē to”.

2.1.4 Fjalët “këtu”, “në këtë”, “më poshtë” apo fjalë tē ngjashme tē përdorura nē këtë Marrëveshje, përvçese kur nga konteksti rezulton ndryshe, do t'i kuptohen si referencë nē këtë Marrëveshje nē tërsi, dhe jo nē ndonjë nen, seksion apo paragraf tē veçantë tē kësaj Marrëveshje.

2.1.5 Kur afati është caktuar me “ditë”, këto do t'i jenë ditë kalendarike, përvçese kur parashikohen shprehimisht si Ditë Pune. Një afat prej një ose më shumë ditësh kalendarike ose Ditësh Pune do t'i nisë tē llogaritet duke nisur nga dita kalendarike ose Dita e Punës e mëpasshme.

2.1.6 Kur afati është caktuar me “javë”, “muaj” ose “vite”, atëherë afati do t'i llogaritet nga data nē datë (“data korresponduese”); kur afati është caktuar nē “muaj”, nëse muaji i fundit kalendarik i periudhës përkatëse nuk ka një datë korresponduese tē ditës së muajit kalendarik nē tē cilën fillon afati, atëherë afati do t'i përfundojë nē ditën e fundit kalendarike tē muajit tē fundit kalendarik tē periudhës.

2.1.7 Nënshkrim elektronik do t'i thotë vendosja e kodit të verifikimit që kredimarrësi merr me sms nē numrin e telefoni i cili do t'i shërbejë si nënshkrim autentik i Kredimarrësit. Nëpërmjet vendosjes së këtij kodit verifikimi Kredimarrësi gjithashtu deklaron se është nē dijeni tē plotë dhe pranon parashikimet e Tabelës së Interesit dhe Tarifave, Kushteve të Llogarisë Online dhe tē Politikës së Privatësisë tē Kredidhënësit

2.1.8 Termat e përcaktuar nē njëjës përfshijnë edhe shumësin, dhe anasjelltas.

3. Objekti dhe Qëllimi i Përdorimit të kredisë

3.1 Me nënshkrimin e kësaj Marrëveshje, dhe sipas kushteve të saj, Kredidhënësi pranon t'i japë kredi Kredimarrësit, duke i miratuar një linjë kredie për përdorim konsumi personal deri nē vlerën e Limitit, dhe Kredimarrësi pranon tē marrë Kredi nga Kredidhënësi, herë pas here, dhe tē kthejë shumat e marra Kredi, si dhe t'i paguajë Interesin dhe Tarifat sipas kushteve të rëna dakord nē këtë Marrëveshje dhe çdo Anek 1 tē përditësuar.

4. Afati

4.1 Kjo Marrëveshje lidhet dhe do t'i mbetet nē fuqi për një afat tē pacaktuar, duke nisur nga Data e Lidhjes (“Afati”), përvçese kur kjo Marrëveshje zgjidhet sipas parashikimeve tē Nenit 13.

4.2 Nëse është e zbatueshme sipas ligjit nē fuqi, Kredimarrësi ka tē drejtë tē têrhiqet nga kjo Marrëveshje, pa penalitete, dhe pa qenë i detyruar tē deklarojë shkaqe, duke i dërguar Kredidhënësit një Njoftim me shkrim, jo më vonë se 14 (katërmëbdhjetë) ditë nga Data e Lidhjes së kësaj Marrëveshje.

4.3 Me marrjen e Njoftimit mbi têrheqjen e Kredimarrësit, Kredidhënësi, nëpërmjet një Njoftimi me shkrim, do t'i informojë Kredimarrësin mbi shumat që duhen kthyer nga Kredimarrësi (nëse ka), tē cilat do t'i përfshijnë çdo shumë tē disbursuar, Interesin e zbatuar gjatë ditëve përkatëse si dhe çdo kosto tjetër e shpenzimet e mundshme që Kredidhënësi ka hasur nga veprime me palë tē treta, për efekt tē miratimit dhe disbursimit tē Kredisë (këto shuma do t'i përbëjnë pjesë tē Shumave tē Pashlyera tē kësaj Marrëveshje).

4.4 Nëse Kredimarrësi nuk i paguan Kredidhënësit shumat si më sipër, brenda 14 (katërmëbdhjetë) ditësh nga data e Data e Lidhjes së kësaj

Marrëveshje, atëherë têrheqja e Kredimarrësit nga Marrëveshja nuk do të cenojë zbatueshmërinë e parashikimeve sipas Neneve 8, 9, 12, 14, 16, 17 dhe 18 të kësaj Marrëveshje, të cilat do t'i mbijetojnë têrheqjes së Kredimarrësit.

5. Limiti

5.1 Me nënshkrimin e kësaj Marrëveshje, Kredidhënësi dhe Kredimarrësi hyjnë në një Marrëveshje kredie pa afat, brenda së cilës, Kredimarrësi mund të marrë me të njëjtat Përcaktimë dhe Terma të kësaj Marrëveshje, disa kredi apo shtesa kredie sipas limitit të vlerës që përcaktohet nga Kredidhënësi për çdo kredi të re që Kredimarrësi merr, të specifikuara me terma dhe kushte në Aneksin 1 të kësaj Marrëveshje. Aneksi 1 konsiderohet pjesë e pandarë e kësaj marrëveshje kredie pa afat dhe përditësohet me termat përkatës sa herë Kredimarrësi merr një kredi të re apo shtesë kredie ekzistuese.

5.2 Kredimarrësi brenda kësaj Marrëveshje kredie pa afat, ka të drejtë të aplikoj për një kredi, ku për secilin aplikim për kredi të re i ofrohet një limit shume i vlefshëm për një afat të përcaktuar. Nëse Kredimarrësi nuk dëshiron që ta marrë të plotë limitin e aprovuar, mund të marrë atë në disa shuma (pjesë). Marja e çdo shume (pjesë) nga totali i limitit të aprovuar nuk do të ndikojë në ndryshimin e afatit të paracaktuar të kredisë. Në rast të një Aplikimi për Limit, Kredidhënësi ka të drejtë t'i kërkojë Kredimarrësit çdo informacion apo dokument që vlerëson të nevojshëm për analizën e kërkeshës, me kusht që miratimi i çdo rritjeje të Limitit do të jetë në diskrecion të vetëm të Kredidhënësit.

5.3 Kredidhënësi, me diskrecionin e tij të vetëm, ka të drejtë të ulë Limitin me efekt të menjëhershëm, nëse Kredimarrësi shkel detyrimet sipas kësaj Marrëveshje, apo rrezikon një zvogëlim/humbje të ndjeshme të ardhurave të deklaruara prej tij/saj gjatë aplikimit për kredi, apo gjatë çdo analize kredie të mëpasshme të kryer nga Kredidhënësi. Kredidhënësi do t'i njoftojë me shkrim Kredimarrësit çdo vendim për ulje të Limitit.

5.4 Kredimarrësi ka të drejtë të paraqesë në çdo kohë një Aplikim për Limit, duke kërkuar rritjen e Limitit të miratuar më parë nga Kredidhënësi. Në rast të një Aplikimi për Limit, Kredidhënësi ka të drejtë t'i kërkojë Kredimarrësit çdo informacion apo dokument që vlerëson të nevojshëm për analizën e kërkeshës, me kusht që miratimi i çdo rritjeje të Limitit do të jetë në diskrecion të vetëm të Kredidhënësit.

5.5 Pavarësisht ndonjë Aplikimi për Limit, Kredidhënësi, në diskrecion të vetëm, mund të rrisë Limitin e miratuar më parë, nëse Kredimarrësi ka një historik të mirë kreditimi me Kredidhënësin. Kredidhënësi do t'i njoftojë me shkrim Kredimarrësit çdo vendim për rritje të Limitit.

6. Disbursimet dhe Kthimi i Kredisë

6.1 Gjatë gjithë kohëzgjatjes së kësaj Marrëveshje, Kredimarrësi ka të drejtë, herë pas here, me zgjedhjen e tij/saj të vetme, të paraqesë Aplikime Disbursimi, duke kërkuar lëvrimin e çdo shume, deri në vlerën e Limitit dhe çdo shumë e Disbursuar nga Kredidhënësi do të përbëjë një Shumë Kredie.

6.2 Për çdo Aplikim Disbursimi paraqitur sipas kësaj Marrëveshje, Kredimarrësi detyrohet të paguajë Tarifën përkatëse sipas Tabelës së Interesit dhe Tarifave në fuqi në momentin e aplikimit.

6.2.1 Nëse aplikimi për disbursim kryhet përpëra pagesës së plotë të një kredie ekzistuese me disa këste, atëherë shuma që do të disbursohet do të konsiderohet si një shtesë e kësaj kredie dhe kredimarrësit do t'i aplikohen tarifat në fuqi në momentin e disbursimit filletar të kredisë ekzistuese, sipas afatit nga momenti i shtesës deri në maturim.

6.3 Kredidhënësi rezervon të drejtën për të mos kryer Disbursimin, nëse Kredimarrësi njofton zgjidhjen e Marrëveshjes, shkel detyrimet sipas kësaj Marrëveshje apo rrezikon një zvogëlim/humbje të ndjeshme të ardhurave të deklaruara prej tij/saj gjatë aplikimit për kredi, ose gjatë çdo analize kredie të mëpasshme të kryer nga Kredidhënësi. Kredidhënësi gjithashtu rezervon të drejtën për të mos kryer Disbursimin, nëse Kredimarrësi nuk ka pranuar versionin në fuqi të Tabelës së Interesit dhe Tarifave, apo kredimarrësi nuk është paraqitur në degë ose pranë partnerëve për të têrhequr fondet brenda 7 ditëve nga data e miratimit të kredisë.

6.4 Disbursimi do të kryhet në para në dorë pranë Degëve, në sportelet e partnerëve të Kredidhënësit publikuar ne faqen zyrtare, apo nëpërmjet një transferte në Llogarinë Bankare të Kredimarrësit.

6.5 Kredimarrësi ka të drejtën të têrhiqet nga marrëveshja dhe/ose Marrëveshja e kredisë konsumatore pa dhënë ndonjë arsyë për këtë qëllim, brenda një periudhe kalendarike 14 (katërmëbdhjetë) ditore. Ky afat fillon nga dita e arritjes së marrëveshjes ose lidhjes së Marrëveshjes, dhe njoftimi për têrheqjen duhet të kryhet me shkrim tek Kredidhënësi.

6.6 ECFA njofton konsumatorin në rastin e kërkeshës me shkrim për têrheqje nga Marrëveshja, për vlerën e kredisë, që duhet t'i rikthehet nga konsumatori dhe interesit dhe tarifave të tjera për ditët përkatese, si dhe shpenzimet e mundshme të Kredidhënësit të krijuara nga veprime me palë të treta përfekt përshtatje e kredisë.

6.7 Në vijim të një Disbursimi, Kredimarrësi do t'i kthejë Shumën e Kredisë në Datat e Pagesave përcaktuar në Grafikun e Pagesave të Aneks 1.

6.8 Kredimarrësi ka të drejtë të paraqesë në çdo kohë një Aplikim për Ndryshimin e Kushteve, duke kërkuar ndryshimin e kësteve dhe Datës së Pagesave në lidhje me një Disbursim të mëparshëm.

6.9 Për çdo Aplikim për Ndryshimin e Kushteve paraqitur sipas kësaj Marrëveshje, Kredimarrësi detyrohet të paguajë Tarifën përkatëse përcaktuar sipas Tabelës së Interesit dhe Tarifave në fuqi në momentin e aplikimit. Kredidhënësi rezervon të drejtën për të mos miratuar një Aplikim për Ndryshimin e Kushteve, nëse Kredimarrësi nuk ka pranuar versionin në fuqi të Tabelës së Interesit dhe Tarifave.

6.10 Kredidhënësi ka të drejtë t'i kërkojë Kredimarrësit çdo informacion apo dokument të vlerësuar të nevojshëm për analizën e Aplikimit për Ndryshimin e Kushteve dhe miratimi i çdo Aplikimi për Ndryshimin e Kushteve do të jetë në diskrecion të vetëm të Kredidhënësit.

6.11 Çdo Aplikim për Ndryshimin e Kushteve, i cili është miratuar nga Kredimarrësi, do të zëvendësojë Grafikun e Pagesave të Aneks 1 për Disbursimin e kryer më parë.

6.12 Kredidhënësi do t'i njoftojë me shkrim Kredimarrësit miratimin e çdo Aplikimi Disbursimi dhe/ose Aplikimi për Ndryshimin e Kushteve.

6.13 Kredimarrësi mund ta shtyjë afatin e ripagjinë të Kredisë deri në Afatin e Shtyrjes, ose të riprogramojë Grafikun e Pagesave të Aneks 1 deri me një muaj në vijim, duke paguar Komisionin e Shtyrjes, duke pasur parasysh që shlyerja e pagesave të Marrëveshjes të mos vonohet me më shumë se 30 ditë, e nuk do të ketë tjetër shkelje të Marrëveshjes.

6.14 Afatet e Shtyrjes do t'i hyjnë në fuqi me marjen e rregullt nga Kredidhënësi të pagesës së Komisionit të Shtyrjes.

6.15 Nëse shtyhet afati i shlyerjes së Kredisë, Kredimarrësi do t'i paguajë Kredidhënësit vetëm Komisionin e Shtyrjes gjatë Afatit të Shtyrjes, kurse shlyerja e pagesave të tjera të Marrëveshjes do t'i shtyhet.

7. Interesi dhe Tarifat

7.1 Norma nominale e interesit për shlyerjen e kredisë do t'i hyjnë në vit, llogaritur mbi kryegjënë e mbetur ashtu sic përcaktohet në Tabelën e Interesit dhe Tarifave.

7.2 Normë efektive e interesit është totali i kostos së kredisë për klientin e shprehur si përqindje vjetore e vlerës së kredisë së dhënë. Huamarrësi do t'i paguajë Huadhenësit Interes mbi Shumat e Kredise që rezultojnë të pakthyera, sipas Normës së Interesit të përcaktuar në Tabelën e Interesit dhe Tarifave, në fuqi në momentin e Aplikimit për Disbursim, apo t'i Aplikimi për Ndryshim të Kushteve. Interesi do t'i llogaritet sipas mënyrave të parashikuara në Tabelën e Interesit dhe Tarifave.

Norma efektive e interesit ka të përcaktuar një normë maksimale sipas rregullores së Bankës së Shqipërisë, e cila është norma efektive e interesit e llogaritur si mesatare e normës efektive të interesit të aplikuar nga çdo institucion kredidhënës gjatë një 6 muaj, duke shtuar edhe një të tretë e saj. Kjo normë vendoset në fund të çdo gjashtëmajori për gjashtëmajorin vijues nga Banka e Shqipërisë dhe botohet në faqen e saj zyrtare të internetit; (aktualisht ky maksimum për kreditë konsumatore është: vlerë kredie nga 0 - 200,000 ALL maksimum prej 100.00% ; vlerë kredie nga 200,001 - 600,000 ALL maksimum prej 40.60%; vlerë kredie nga 600,001 - 2 milion ALL maksimum prej 15.60%)

Shembull:

Shembulli : Klienti têrheq kredi në vlerën 40,000 ALL. Supozojmë që ai e mban të plotë 12 muaj këtë kredi dhe e paguan atë në fund të maturimit të marrëveshjes. Në këtë mënyrë, klienti do t'i paguajë për 12 muaj rresht një këst prej 4,760 ALL (interes dhe komisione). Pra në total gjatë 12 muajve

klienti paguan 57,070 ALL. Në formulën më poshtë “i” është $NEI = 40,000 / [(1+i)]^{(30/365)} + 4,760 / [(1+i)]^{(30/365)} + \dots$ (10herë) Atëherë “i” me këtë formulë është 0.9903 dhe rrjedhimisht NEI shprehet si 99,03%

7.3 Interesi do të paguhet nga Kredimarrësi në Datat e Pagesave, siç parashikohet nga Grafiku i Pagesave në Aneks 1.

7.4 Kredimarrësi detyrohet t’i pagujë gjithashtu Kredidhënësit Tarifat sipas Tabelës së Interesit dhe Tarifave, në fuqi në momentin kur zbatohet Tarifa dhe përvçe se kur parashikohet ndryshe, çdo Tarifë duhet të paguhet nga Kredimarrësi përrpara çdo aplikimi që mund t’i paraqitet Kredidhënësit.

8. Kamatevonesat

8.1 Nëse Kredimarrësi nuk kthen Shumat e Kredisë, apo nuk paguan interesin, dhe/ose Tarifat e papaguara, (“Shumat e Pashlyera”) sipas afateve të parashikuara në këtë Marrëveshje, atëherë Kredidhënësi ka të drejtë të zbatojë Kamatevoneset, e percaktuar dhe llogaritur sipas Tabelës së Interesit dhe Tarifave, në fuqi në momentin e zbatimit. Kamatevonesat paguhet nga kredimarrësi dhe nuk tejkalojnë në asnë rast më shumë se 30 përqind të shumës së detyrimit kontraktor të këstët dhe/ose kësteve të papaguar të kredisë.

Shembull:

Supozojmë se për një këst pagesë kemi 1,000 ALL Principal + 50 ALL Interes + 10 ALL Komision. Në rast se ky këst nuk paguhet në datën e përcaktuar në grafikun e pagesave, dhe pagesa rezulton me një ditë vonesë, gjoba e vonesës përllogaritet: $1,060 * 2\% = 21.2$ ALL.

Në ditën e dytë, kjo kamatëvonesë do të jetë $21.2 * 2 = 42.4$ ALL, dhe me rritjen e ditëve të vonesës, kamatëvonesa rritet për çdo ditë vonese me vleren 21.2 ALL, deri kur arrin maksimumin e saj të lejuar.

8.2 Zbatimi i Kamatëvonesës sipas parashikimeve të mësipërme nuk cënon të drejtë e Kredidhënësit për të nisur procedurat e ekzekutimit të detyrueshëm sipas Nenit 17, pa qenë i detyruar të zgjidhë Marrëveshjen, dhe/ose të zgjidhë Marrëveshjen sipas Nenit 13.

9. Kryerja e Pagesave

9.1 Çdo pagesë që Kredimarrësi detyrohet t’i kryejë ndaj Kredidhënësit sipas kësaj Marrëveshje, do të kryhet me para në dorë pranë Degëve, me transfertë pranë Llogarive Bankare të Kredidhënësit, apo pranë partnerëve të autorizuar rregullisht nga Kredidhënësi, të cilët janë të renditur tek Faqja e Internetit, në monedhën e parashikuar për Shumën e Kredisë, Interesin dhe Tarifat. Çdo pagesë që Kredimarrësi detyrohet t’i kryejë ndaj Kredidhënësit, do të konsiderohet e arkëtar nga Kredidhënësi në momentin që fondet depozitohen pranë Degëve ose pranë partnerëve të autorizuar, apo kreditohen në Llogaritë Bankare të Kredidhënësit.

9.2 Kredimarrësi detyrohet t’i kryejë çdo pagesë ndaj Kredidhënësit sipas kësaj Marrëveshje, në shumë të plotë, pa kryer asnë ulje, mbajtje apo kompensim dhe çdo kosto bankare që mund t’ lidhet me kryerjen e Disbursimeve, apo me pagesën e ndonjë shume që Kredimarrësi paguan sipas kësaj Marrëveshje, do të përballohet nga Kredimarrësi.

9.3 Kredimarrësi pranon se Kredidhënësi mund t’ mbajë, zbresë apo kompensojë nga shuma e çdo Disbursimi/pagesë, çdo shumë që Kredimarrësi i detyrohet Kredidhënësit sipas kësaj Marrëveshje. Kredimarrësi ka të drejtë t’ kryejë në çdo kohe edhe para afatit të maturimit shlyerje të pjesshme të detyrimeve të tij të lindura nga Marrëveshja e kredisë, duke njoftuar me shkrim. Në këtë rast Kredidhënësi do të bëjë reduktim të kostos totale të kredisë, duke ulur shumën e interesit dhe shpenzime të tjera të aplikueshme për shumën e kryegjësë së shlyer para afatit të maturimit.

9.4 Në rast të pagimit të plotë të detyrimeve përrpara kohe, Kredidhënësi do të reduktojë koston totale të kredisë sipas kushteve rregullatore, por duke rezervuar të drejtën për t’ zbatuar tarifat e parapagimit që përllogariten mbi kryegjënë e mbetur, sipas Tabelës së Interesit dhe Tarifave, në fuqi në momentin e parapagimit (0.5 % të shumës së kredisë së paguar para afatit, nëse periudha midis shlyerjes para afatit dhe maturimit të kredisë nuk kalon 1 vit; dhe 1% të shumës së kredisë së paguar para afatit, nëse periudha midis shlyerjes para afatit dhe maturimit të kredisë është mbi 1 vit). Në çfarëdo rast parapagimi, siç përmendet këtu, Kredimarrësi duhet t’i dërgojë Kredidhënësit një Njoftim paraprak duke e informuar mbi parapagimin në fjalë dhe duke i kërkuar rillogaritjen e Grafikut të Pagesave dhe koston totale të kredisë së përmendur këtu.

9.5 Të gjitha pagesat e marra nga Kredidhënësi dhe të kryera nga Kredimarrësit sipas përcaktimit të kësaj Marrëveshje do të llogariten si vijon: Në radhë t’ parë, për shlyerjen e shpenzimeve të kryera për mbledhjen e kredisë në vonesë;

Në radhë t’ dytë, për shlyerjen e tarifës së vonesës;

Në radhë t’ tretë, për shlyerjen e të gjithë Tarifave

Në radhë t’ katërt, për shlyerjen e Interesit;

Në radhë t’ pestë, për shlyerjen e Kryegjësë;

9.6 Në rast se pagesat që duhen kryer në favor të Kredidhënësit do të bëhen nga një palë e tretë e autorizuar nga Kredimarrësi, Kredimarrësi duhet t’i njoftojë rregullisht Kredidhënësin më parë se pala e tretë t’ kryejë pagesat që duhen bërë ndaj Kredidhënësit, nëpërmjet dërgimit të Njoftimit mbi sa përmendet këtu, duke dhënë informacion mbi palën e tretë, siç do të kerkohet nga Kredidhënësi. Kredidhënësi nuk ka detyrim t’ pranojë pagesat e kryera nga palë t’ treta t’ pidentifikuara t’ bëra për llogari të Kredimarrësit nëse Kredimarrësi nuk informon siç duhet Kredidhënësin mbi sa më lart.

9.7 Kredimarrësi ka të drejtë t’ marrë me kërkesën e tij dhe pa pagesë në çdo kohë gjatë gjithë kohëzgjatjes së kontratës së kredisë gjendjen e llogarisë në formën e një plani shlyerje mbi shumën që ka shlyer e detyrimin e mbetur.

10. Llogaria Online

10.1 Me nënshkrimin e kësaj Marrëveshje, Kredimarrësi pajiset dhe mban një llogari elektronike të klientit (“Llogaria Online”) pranë Kredidhënësit, sipas kushteve dhe afateve të Llogarisë Online (“Kushtet e Llogarisë Online”).

10.2 Llogaria Online do të jetë e aksesueshme elektronikisht nga Faqja e Internetit, sipas parashikimeve të Kushteve të Llogarisë Online.

10.3 Llogaria Online do të shërbejë si një platformë nëpërmjet së cilës Kredimarrësi do të menaxhojë marrëdhënien e tij me Kredidhënësin sipas kësaj Marrëveshje, çka përfshin, marrjen e informacionit mbi gjendjen e detyrimeve apo mbi transaksionet e kryera, kryerjen e ndryshimeve në të dhënat e Kredimarrësit, marrjen apo kryerjen e Njoftimeve për/nga Kredidhënësi, kryerjen e aplikimeve të ndryshme, etj. Llogaria Online nuk do të ketë funksionin e një sistemi pagesë, për sa kohë që nuk përbush kërkuesat rregullatore të Bankës së Shqipërisë.

10.4 Të dhënat e Llogarisë Online do të trajtohen nga Kredidhënësi në përpunje me kushtet e zbatueshme të Politikës së Privatësisë.

11. Deklarimet dhe Garancitë e Kredimarrësit

11.1 Me nënshkrimin e kësaj Marrëveshje, Kredimarrësi garanton dhe i deklaron Kredidhënësit, se:

11.1.1 Të gjitha informacionet / dokumentat e paraqitura nga Kredimarrësi për miratimin e aplikimit fillestar të Kredisë, dhe/ose ato që mund t’i paraqiten herë pas here gjatë çdo analize kredie të mëpasshme të kryer nga Kredidhënësi, janë / do të jenë të vërteta e të plota në çdo aspekt, në datën e paraqitjes së tyre tek Kredidhënësi.

11.1.2 Kredimarrësi ka marrë t’ gjithë informacionin dhe sqarimet e nevojshme para-kontraktore, në lidhje me kushtet dhe afatet e kësaj Marrëveshje.

11.1.3 Kjo Marrëveshje është lidhur lirisht mes Kredimarrësit dhe Kredidhënësit dhe përmban detyrime të vlefshme dhe të zbatueshme ndaj Kredimarrësit dhe personave të tjerë që, sipas ligjit, heqin të drejta prej tij.

11.1.4 Në Datën e Lidhjes, Kredimarrësi nuk gjendet nën ndonjë procedurë t’ ekzekutimit të detyrueshëm apo falimentimi dhe se këto procedura nuk kanë gjasa t’ ndodhin dhe se Kredimarrësi do të njoftojë menjëherë Kredidhënësin mbi ndonjë rrethanë që mund t’ çojë në nisjen ndaj Kredimarrësit, t’ ndonjë procedurë t’ ekzekutimit të detyrueshëm apo falimentimi.

11.1.5 Kredimarrësi do t’ njoftojë menjëherë Kredidhënësin mbi ndonjë rrethanë që mund t’ krijojë ndonjë rrezik për një zvogëlim/humbje t’ ndjeshtë t’ ardhurave t’ deklaruara prej tij/saj gjatë aplikimit për kredi, apo gjatë çdo analize kredie të mëpasshme të kryer nga Kredidhënësi.

11.1.6 Kredimarrësi do t’ njoftojë menjëherë Kredidhënësin mbi çdo ndryshim në adresën e deklaruar prej tij, dhe në çdo rast mban përgjegjësi për komunikimet postare të Kredidhënësit që nuk arrijnë apo kthehen mbrapsht nga shërbimi postar për pasaktësi t’ adresës së deklaruar prej tij.

12. Gjuha dhe Njoftimet

12.1 Kjo Marrëveshje lidhet në gjuhën Shqipe dhe çdo njoftim, kërkesë ose komunikim apo dokument tjeter që dërgohet në lidhje me këtë Marrëveshje (“Njoftimi”) do të jetë në formë t’ shkruar dhe në gjuhën Shqipe.

12.2 Kredidhënësi mund të kryejë Njoftime në adresën fizike, në adresën e-mail apo në kontaktet e tjera të deklaruara nga Kredimarrësi më sipër në këtë Marrëveshje, apo në ndonjë adresë apo kontakt tjetër të Njoftuar nga Kredimarrësi herë pas here. Kredidhënësi mund të kryejë gjithashtu Njoftime për Kredimarrësin nëpërmjet mesazheve elektronike në Llogarinë Online.

12.3 Çdo Njoftim i kryer nga Kredidhënësi do të konsiderohet i kryer rregullisht ndaj Kredimarrësit, menjëherë: (a) pasi njoftimi kryhet dorazi tek Kredimarrësi; (b) pas dërgimit të mesazhit në adresën e-mail të Kredimarrësit; (c) me aksesimin e Llogarisë Online nga Kredimarrësi; (d) me postimin e njoftimit me shkrim në adresën e deklaruar nga Kredimarrësi; (e) me dërgimin e njoftimit SMS në numrin e telefonit të deklaruar nga Kredimarrësi.

12.4 Çdo Njoftim i kryer nga Palët me shërbim postar, në adresën fizike të Palës tjetër, konsiderohet i kryer rregullisht ndaj marrësit, në ditën e dytë, pas datës së dorëzimit të Njoftimit tek shërbimi postar, pavarësisht momentit të marrjes nga marrësi.

12.5 Pavarësisht sa më sipër, çdo Njoftim i kryer me mjete të tjera komunikimi, i cili provohet të jetë kryer/marrë efektivisht, nuk do të konsiderohet i pavlefshëm vetëm përfaktin se njoftimi apo komunikimi është dërguar/marrë në mënyra të ndryshme nga sa më sipër.

13 Zgjidhja e Marrëveshjes dhe Pasojat e Zgjidhjes

13.1 Nëse Kredimarrësi shkel detyrimet e tij sipas kësaj Marrëveshje, kjo shkelje do të përbëjë një "Rast Mospërmbushje" të kësaj Marrëveshje.

13.2 Nëse ka një Rast Mospërmbushje, Kredidhënësi mund t'i kërkojë Kredimarrësit me shkrim të korrigjojë Rastin e Mospërmbushjes ("Njoftimi i Korrigjimit"), brenda një afati të arsyeshëm (por jo më të shkurtër se 15 ditë), dhe mund të zgjidhë këtë Marrëveshje, nëpërmjet një njoftimi të shkruar drejtuar Kredimarrësit ("Njoftimi i Zgjidhjes"), nëse:

13.3 Rasti i Mospërmbushjes nuk korrigjohet brenda këtij afati; ose,

13.3.1 kur Rasti i Mospërmbushjes është i pamundur të korrigjohet, Palët nuk merren vesh brenda këtij afati për një kompensim të arsyeshëm.

13.4 Njoftimi i Zgjidhjes dërguar nga Kredidhënësi do të ketë si pasojë zgjidhjen e kësaj Marrëveshje, me efekt nga data e Njoftimit të Zgjidhjes, apo nga data mëvonshme shënuar në Njoftimin e Zgjidhjes.

13.5 Palët bien dakord shprehimisht se Kredidhënësi ka të drejtë të zgjidhë menjëherë këtë Marrëveshje, pa ndjekur procedurën e mësipërme, nëpërmjet një Njoftimi Zgjidhjeje drejtuar Kredimarrësit, në rastet vijuese, të cilat Palët bien dakord se janë me interes thelbësor për Kredidhënësin:

13.5.1 Kredimarrësi nuk paguan Shumat e Pashlyera, sipas afateve të kësaj Marrëveshje; ose

13.5.2 Kredimarrësi shkelje të deklarimeve dhe garancive sipas Nenit 11 të kësaj Marrëveshje; ose

13.5.3 Kredimarrësi ka pësuar një zvogëlim/humbje të ndjeshme të ardhurave të deklaruara prej tij/saj gjatë aplikimit për kredi, apo gjatë çdo analize kredie të mëpasshme të kryer nga Kredidhënësi;

13.5.4 Kredimarrësi nuk pranon ndryshimet e Njoftuara nga Kredidhënësi në Kushtet e Llogarisë Online si dhe në Politikën e Privatësisë;

13.5.5 Nëse Kredidhënësi nuk mund ta japë më Kreditinë Kredimarrësit, në rast se llogaria bankare e Kredimarrësit është bllokuar apo mbyllur, dhe nuk mund të kryhet transferimi i fonave, me kusht që Kredimarrësi të mos ketë hapur dot një llogari të re bankare e të mos ketë njoftuar rregullisht Kredidhënësin nëpërmjet Njoftimit;

13.5.6 Nëse Kredidhënësi ka identifikuar se Kredimarrësi është bërë një person i ekspozuar politikisht;

13.5.7 Nëse Kredidhënësi është deklaruar i paaftë për të vepruar me zotësi të plotë ligjore dhe biznesi.

13.6 Kredimarrësi mund të zgjidhë këtë Marrëveshje nëpërmjet një Njoftimi Zgjidhje të shkruar drejtuar Kredidhënësit, në rast të zvogëlimit të Limitit sipas Nenit 5.2, të një refuzimi disbursimi sipas Nenit 6.3, apo gjatë periudhës së përcaktuar sipas Nenit 15.3 të kësaj Marrëveshje, nëse Kredimarrësi vendos të mos pranojë ndryshimin e Njoftuar nga Kredidhënësi sipas Nenit 15.3.

13.7 Secila Palë mund të zgjidhë këtë Marrëveshje nëpërmjet një Njoftimi Zgjidhjeje të shkruar drejtuar Palës tjetër, të paktën 30 (tridhjetë) ditë përpëra, pa qenë i nevojshme përcaktimi i shkakut të zgjidhjes.

13.8 Kredimarrësi nuk mund të zgjidhë këtë Marrëveshje përvëçse në rastet e parashikuara më sipër sipas këtij Neni.

13.9 Në çdo rast të zgjidhjes së kësaj Marrëveshje, afati i pagesës së Shumave të Pashlyera që Kredimarrësi i detyrohet Kredidhënësit do të përshpejtohet, duke u bërë të detyrueshme për t'u paguar nga Kredimarrësi, brenda 30 (tridhjetë) ditësh nga data e hyrjes në fuqi të zgjidhjes, pavarësisht afateve të rëna dakord më parë.

13.10 Zgjidhja e kësaj Marrëveshje nuk do të cënojë zbatueshmërinë e parashikimeve sipas Neneve 8, 9, 12, 14, 16, 17 dhe 18 të kësaj Marrëveshje, të cilat do t'i mbijetojnë zgjidhjes së kësaj Marrëveshje.

14. Ligji i Zbatueshmës dhe Gjykatat Kompetente

14.1 Kjo Marrëveshje do të rregullohet nga dhe do të interpretohet në përputhje me ligjet e Republikës së Shqipërisë.

14.2 Secila Palë bie dakord dhe pranon në mënyrë të parevokueshme se çdo mosmarrëveshje, padi, masë sigurimi, urdhër ekzekutimi apo procedure tjetër gjyqësore, që lind nga ose në lidhje me këtë Marrëveshje, ("Mosmarrëveshja") do të zgjidhet në mënyrë ekskluzive nga Gjykata e Rrethit Gjyqësor Tirane.

14.3 Palët bien gjithashtu dakord se nisja apo vazhdimi i një Mosmarrëveshje nuk do të përbëjë një shkak të vlefshëm për ndërprerjen e zbatimit të kësaj Marrëveshje dhe nuk do të çlironjë Kredimarrësin nga vazhdimi i përbushjes së detyrimeve të marra përsipër nëpërmjet kësaj Marrëveshje.

15. E Gjithë Marrëveshja, Ndryshimet

15.1 Kjo Marrëveshje, përfshirë deklaratat hyrëse dhe dokumentat bashkëlidhur, përfaqëson marrëveshjen finale dhe të plotë të Palëve në lidhje me objektin e saj dhe shfuqizon e zëvendëson çdo Marrëveshje, marrëveshje paraprake apo diskutime të mëparshme, qofshin këto verbale ose me shkrim, ndërmjet po këtyre Palëve në lidhje me të njëjtin objekt.

15.2 Dispozitat e kësaj Marrëveshje nuk mund të ndryshohen përvëçse me anë të një marrëveshje të shkruar (e cila mund të përfshijë dhe marrëveshje në formë elektronike) lidhur rregullisht nga Palët, dhe çdo ndryshim i tillë do të prodhojë efekte duke filluar nga data e nënshkrimit nga Palët (përvëçse kur data e hyrjes në fuqi është parashikuar ndrysue).

15.3 Pa cënuar parashikimet e mësipërme, Palët bien dakord se Kredidhënësi, nëpërmjet një Njoftimi drejtuar Kredimarrësit, ka të drejtë të ndryshojë Interesin dhe Tarifat e zbatueshme ndaj një shume të Disbursuar më parë, nëse në vijim të Disbursimit, ndryshohet Tabela e Interesit dhe e Tarifave. Në këto raste, (i) ndryshimi i Njoftuar nga Kredidhënësi nuk do të ketë efekt ndaj Kredimarrësit përpëra skadimit të një afati prej 15 (pesëmbëdhjetë) ditësh nga data e Njoftimit të Kredidhënësit dhe (ii) gjatë këtij afati 15 (pesëmbëdhjetë) ditor, Kredimarrësi ka të drejtë t'i Njoftojë Kredidhënësit zgjidhjen e Marrëveshes, sipas Nenit 13.5.

15.4 Nëse Kredimarrësi nuk i paraqet Kredidhënësit një Njoftim Zgjidhjeje, sipas Nenit 13.5, brenda një afati 15 (pesëmbëdhjetë) ditor të cituar më sipër, atëherë ndryshimi i Interesit dhe Tarifave t'i Njoftuara nga Kredidhënësi, do të fillojë të zbatohet duke nisur nga përfundimi i këtij afati.

15.5 Duke nënshkruar këtë kontratë, Klienti deklaron se është vënë në dijeni, i kupton dhe bie dakord me faktin që duhet të njihet në mënyrë të vazhdueshme me Tabelën e Interesit dhe Tarifave të publikuar ne ambientet e Kredidhënësit dhe në faqen e tij në internet per t'u njojur mbi ndryshimet e mundshme të termave dhe kushteve të kësaj kontrate apo elementeve të tjera që mund të kenë impakt mbi këtë kontratë.

16. Kalimi

16.1 Të drejtat dhe detyrimet e Kredimarrësit sipas kësaj Marrëveshje nuk mund t'i kalohen një personi të tretë, pa marrë pëlqimin paraprak me shkrim të Kredidhënësit për pranimin e këtij personi të tretë si debitor i ri, dhe ky pëlqim do të jetë në diskrecionin e vetëm të Kredidhënësit, përvëç rasteve kur detyrimi i Kredimarrësit i kalohet personave të tretë sipas rregullave të trashëgimisë ligjore.

16.2 Me nënshkrimin e kësaj Marrëveshje, Kredimarrësi i jep që tani pëlqimin e tij të parevokueshëm Kredidhënësit, për t'i kaluar të drejtat dhe/ose detyrimet ndaj Kredidhënësit sipas kësaj Marrëveshje një personi të tretë.

16.3 Me nënshkrimin e kësaj Marrëveshje, Kredimarrësi jep gjithashtu, pëlqimin e tij të parevokueshëm, që Kredidhënësi të japë apo kalojë, plotësisht apo pjesërisht, në çdo formë, të drejta pagese mbi shumat e arkëtueshme sipas kësaj Marrëveshje, në favor të çdo pale të tretë, pa njoftuar

Kredimarrësin, dhe Kredimarrësi, për as kohë nuk ka marrë njoftim mbi ndonjë kalim sipas këtij nenit, mbetet i detyruar të kryejë pagesat sipas kësaj Marrëveshje, drejtëpërdrejt ndaj Kredidhënësit.

17. Titulli Ekzekutiv

17.1 Kjo Marrëveshje përbën një akt për dhënen e kredive nga institucionet financiare jobankare dhe si e tillë është titull ekzekutiv i detyrueshëm për Kredimarrësin.

17.2 Nëse Kredimarrësi nuk paguan Shumat e Pashlyera, sipas kushteve dhe brenda afateve të përcaktuara sipas kësaj Marrëveshje, atëherë Kredidhënësit i lind e drejta të nisë procedurat e ekzekutimit të detyrueshëm për Kredimarrësin, pa cënuar të drejtën e Kredidhënësit për të marrë masat e tjera në dispozicion të tij sipas kësaj Marrëveshje dhe/ose sipas ligjit.

18. Të Ndryshme

18.1 Kredidhënësi nuk do të konsiderohet se ka hequr dorë nga ndonjë e drejtë që i njihet sipas kësaj Marrëveshje, apo sipas ligjit, dhe Kredimarrësi nuk do të konsiderohet i çliruar nga detyrimi për të përbushur plotësisht këtë Marrëveshje, përvçese kur një dorëheqje e tillë është bërë shprehimisht me shkrim nga Kredidhënësi.

18.2 Çdo vonesë nga ana e Kredidhënësit në ushtrimin e ndonjë të drejte që i njihet sipas kësaj Marrëveshje, apo sipas ligjit, nuk do të pengojë ushtrimin e mëvonshëm të kësaj të drejte, apo ndjekjen e masave ligjore, për sa kohë këto të drejta nuk janë parashkuar sipas ligjit.

18.3 Nëse ndonjë dispozitë e kësaj Marrëveshje konstatohet apo deklarohet nga gjykata kompetente si e pavlefshme apo e pazbatueshme, atëherë kjo nuk do të prekë vlefshmérinë dhe zbatueshmérinë e dispozitave të tjera të Marrëveshjes, dhe dispozita e prekur do të quhet e zëvendësuar automatikisht me një dispozitë të vlefshme, e cila ndjek, për sa është e mundur, qëllimin original të Palëve. Zëvendësimi automatik i dispozitës sipas këtij parashikimi do të jetë pasoja e vetme mes Palëve, nëse ndonjë dispozitë e kësaj Marrëveshje konstatohet apo deklarohet si e pavlefshme apo e pazbatueshme.

NË PRANI TË NJËRA TJETRËS, Palët lidhin këtë Marrëveshje në 2 (dy) kopje origjinale, një për secilën Palë, në datën e shënuar më sipër.

Për Kredidhënësin:

Kredimarrësi:

[Emër, Mbiemër, Firmë]

Përfaqësues i Autorizuar

[emri, mbiemri dhe nënshkrimi]

Në bazë të Nenit 686 të Kodit Civil, Kredimarrësi deklaron se është në dijeni të plotë të parashikimeve sipas Neneve 5.2, 6.3, 8, 9, 13, 14, 15.3, 16 dhe 17 të kësaj Marrëveshje, dhe i miraton ato veçmas nëpërmjet këtij nënshkrimi. Nëpërmjet nënshkrimit të kësaj Marrëveshje, Kredimarrësi, gjithashtu deklaron se është në dijeni të plotë dhe pranon parashikimet e Tabelës së Interesit dhe Tarifave, Kushteve të Llogarisë Online dhe të Politikës së Privatësisë të Kredidhënësit, siç janë në fuqi në Datën e Lidhjes. Çdo ndryshim i këtyre dokumenteve do t'i njoftohet Kredimarrësit për miratim, sipas kësaj Marrëveshje.

Kredimarrësi:

ANEKS 1 Sipas Aplikimit Nr: 000000, i Marrëveshjes së Kredisë Konsumatore pa afat Nr: AG000000

Përditësuar më 01.01.2024

INFORMACION MBI PALËT

KREDIDHËNËS

Emri i Shoqërisë: ECFA Shpk

Numri i Regjistrimit: L71610009A

Selia: Rruga "Muhamet Gjollesha", Ndertesa Tirana Ring Center, Nr. 8, Kati i 9-te, Tirane, Albania

Adresa e-mail: info@kredo.al

Telefon: +355 44 500 600

Vendi i ofrimit: Rruga Dylı Haxhire prane Tirana Bank, -, Elbasan

Rrugë Dylı Haxhire prane Tirana Bank, -, Elbasan

KREDIMARRËS

Emër, mbiemër:

Emri i babait:

Numri personal i identifikimit:

Letërnjoftimi/Pasaporta: ID Card

Adresa:

Adresa e-mail:

Telefon: +(355) 69000000

Mënyra e Disbursimit: Kesh

KUSHTET E SHUMËS SË KREDISË

KREDI NR: L000000000

1. Afati i Kredisë

Kredia me Këste: 0 këste mujore

2. Limitet

2.1. Limiti i Kredisë së aprovuar sipas datës së aplikimit të kredisë nr:L000000: 0.00 ALL

2.2. Shuma e Kredisë së lëvruar: 0.00 ALL

3. Norma nominale e interesit: 0.00 %

4. NEI, Norma efektive e interesit: 0.00 %

5. Tarifat

Komisioni i administrimit: 0.00 % ne muaj, total 0.00 ALL

Komisioni i angazhimit: 0.00 %, total 0.00 ALL

Paguhen me kestet Paguhen kur disbursohet
Komisioni i lëvrimit të kredisë me para në dorë: 0.00 %, total 0.00 ALL

Paguhet me këstet Paguhet kur disbursohet
Shuma totale për t'u paguar nga Kredimarrësi: 0.00 ALL

6. Grafiku i Pagesës (vlerat në lekë)

Data e Pagesës	Pagesa e Principalit, ALL:	Pagesa e Interesit, ALL:	Komisioni i Administrimit, ALL:	Komisioni i Angazhimit, ALL:	Komisioni për Lëvrim Kesh, ALL:	Pagesa totale mujore, ALL

Vlerat rrumbullakosen në 10-she të plota, diferençat nëse ka pasqyrohen tek interes.

Nëpërmjet nënshkrimit të këtij Aneksi 1 pjesë e pandarë e Marrëveshjes se Kredisë KOnsumatore pa afat, Kredimarrësi deklaron posaçërisht se ai/ajo është plotësisht në dijeni dhe pranon kushtet e këtij Aplikimi, Grafikun e Pagesave, Koston e Kredisë, sic janë ato në fuqi në Datën e Nënshkrimit.

Datë: 01.01.2024

Për Kredidhënësin:

Kredimarrësi:

[Emër, Mbiemër, Firmë]

Përfaqësues i Autorizuar

[emri, mbiemri dhe nënshkrimi]

